



सानसेयारि 'बड'सा' खीरालाइयाव  
अमाज्यादि जिउजो लोब्बा थावाय रायथाय, खन्थाय,  
अल', अल'बाथा आरो हावबायारि थावनि, पार्क  
बाइदिनि सायाव लिन्नाय लिन्निबां दैथाय ठर/  
सानसेयारि 'बड'सा' खीरालाइया अवेरानावै  
फोसावगोन।  
बड'सायाव लिन्नाययि हुवा खालाम,  
'बड'सा' खी नोथां, जौ बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 18 December, 2023 Kokrajhar, BTC, Assam ★ Vol.- 33, Issue No. 262 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

फैगौ 20 डिसेम्बराव कक्राझाराव  
गिबि मन्थि ड० हिमन्त  
बिश्व शर्माआ दावबाय फैगोन

बंशर मिनि स्टेडियामनि अन्थाइ खाम्फा गायसन्नायजों लोगोसे  
जालुकबारि बियाबनि गुण गोनां फरायसाफोरखौ मान बाउदों

जिंगासिनाया जौनि सुथुर, मिजिंथिनाया जौनि लोगो: ड० हिमन्त बिश्व शर्मा

गोदान मुगा मुलुगनि गोदान खाबुफोरखौ फरायसा समाजआ आजवना लानांगौ



दिसपुर, 17 डिसेम्बर:  
आसामनि गिबि मन्थि ड०  
हिमन्त बिश्व शर्माआ दिने  
2023 माइथायाव गोजौ आरो  
गोजौसिन गेजेरारि जोबथा  
आन्जादयाव जाफुं सारे  
उथि सारनाय जालुकबारि  
बियाबनि गुण गोनां  
फरायसाफोरखौ बराय मान  
बाउनायनि थांखिजों कामरुप  
जिल्लानि बंशरआव खुंनाय



मोनसे गोसो बोनो हानाय  
हाबाफारियाव बाहागो लाफेदों।  
लोगोसे नो मोनसे  
हाबाफारियावबो गिबि मन्थिआ  
दिने बंशर मिनि स्टेडियामनिबो  
अन्थाइ खाम्फा गायसनो। बेखौ  
लोब्बा लानानै खुंनाय मेलयाव  
गावनि बिबुंथियाव गिबि  
मन्थिआ बुंदोंदि, जेब्ला  
बिबानखौ लानानै आबुं गियान  
(□ 5 बिलाइआव)

कक्राझार, 17 डिसेम्बर: सोलिफु दाननि फैगौ 20 डिसेम्बराव  
आसामनि गिबि मन्थि ड० हिमन्त बिश्व शर्माआ कक्राझार सहरनि  
बागानसालियाव थानाय गोदानै लुजानाय बाथौ मन्दिरखौ गोथारे  
बेखेव फैगोन। दिने बागानसालि बाथौ ट्रेडिसनेल रिचासं चेन्टारनि  
लेथुमगिरि महिम बसुमतारिया खौरं बिजौनि सिगाडव बेनि सोमोन्दे  
फोसामयथिदों। मख'नो गोनांदि, थांनाय 2017 माइथायाव बे  
सर्मनि बिटिसिनि गाहाइ मावफुं सोद्रोमा हाग्रामा महिलारीआ बर'  
हारिनि आसारखांथि बायदिये सोलिबोनाय धोरोम बाथौ मन्दिरखौ  
लुनायनि थाखाय धोन गथायना होदोंमोन आरो लुनाय  
खामानिखौबो जागायजेन्दोंमोन। (□ 5 बिलाइआव)

18 थि तामुलपुर जिल्ला बर' थुनलाइ आफाद, 42 थि गरेस्वर गुदि बर'  
थुनलाइ आफाद आरो 36 थि गरेस्वर दख'रा एबसुनि थान्दै मेल खुंदों



आफादनि थान्दै जखन्थाइआ  
गरेस्वर गुदि बर' थुनलाइ  
आफादनि मावखुलिनि फोथारव  
दिने खुंजालाबाय। तामुलपुर  
जिल्ला बर' थुनलाइ आफादनि  
आफादगिरि खनिन्द्र नारजारि  
बिथानि मासि लानानै दैदेन्नाय  
गेवलां मेलखौ बेखेवना होयो  
बिटिआरनि गाहाइ मावफुं  
सोद्रोमा प्रमद बर' आरो  
(□ 5 बिलाइआव)

बाक्सयाव ग्रामल'क  
हाबाफारि खुंदों



बाक्सा, 17 डिसेम्बर: भारत सरकारनि हारिमु बिफाननि सिडव  
थानाय साहित्य अकाडेमिनि बान्जायनायाव दिने रबिबाराखालि  
बाक्सा जिल्लानि रुपहीयाव ग्रामल'क मुनि जर'खा हाबाफारिखौ  
मेहेरोनाडे खुंनाय जादों। दिने (□ 5 बिलाइआव)

एबसुआ बर' बिजों फरायसाफोरनि  
गेजेराव रंगौथि सायख' आन्जाद खुंदों

कक्राझार, 17 डिसेम्बर:  
थानाय बोसोरफोरनि बायदिनो  
बे खेबावबो बर' हारिनि हारिया  
आफाद दुलाराय बर' फरायसा  
आफाद (एबसु) नि  
बान्जायनायाव दिने बर' बिजोंनि  
फरायसाफोरनि गेजेराव रंगौथि  
सायख' आन्जाद खुंनाय जायो।  
मख'नो गोनांदि, फरायसाफोरनि  
गेजेराव गियान थानायखौ  
(□ 5 बिलाइआव)



बांहोनायजों लोगोसे गोसो जानायखौ बांहोना  
सोलोथायनि फारसे बिसोरनि (□ 5 बिलाइआव)

तामुलपुर, 17 डिसेम्बर: जिल्ला बर' थुनलाइ आफाद,  
तामुलपुर जिल्लानि सिडव  
थानाय गरेस्वरआव सांथामनि  
हाबाफारिजों 18थि तामुलपुर  
दख'रा दुलाराय बर' फराइसा

गिबि मन्थि ड० हिमन्त बिश्व शर्माआ जहातआव मावफुं जानाय बिथांखिफोरनि थाखाय दावबाय फैदों  
मोनफ्रोमबो बिथांखिफोरनि खामानिखौ सम थि खालामनायाव आबुं खालामनो गिबि मन्थिआ बिथोन होबाय

दिसपुर, 17 डिसेम्बर:  
आसामनि गिबि मन्थि ड०  
हिमन्त बिश्व शर्माआ दिने  
जहात सार्केट भवनाव खुंनाय  
मोनसे जथुमयाव जिल्लानि  
मावफुं जाबाय थानाय गुबुन  
गुबुन बिथांखिफोरनि सिगांनाय  
एबा जौगाथायफोरनि सोमोन्दे  
रोखा मिबिथिना लादों।  
जथुमयाव गिबि मन्थिआ



हलडापारआव महाबीर लाचित  
बरफुकननि मैदान सालियाव  
जोहोलाउनि गेदेरथार मुसुखाजों  
लोगोसे लुबाय थानाय गेदेर  
बिथांखिफोरनि खामानि-  
दामानिनि सिगांनायखौ  
मिबिथिना लादों। गाहाइ मन्थि  
नरेन्द्र मदिनि अन्सायनायाव  
बेखेवजानो गोनां बे बिथांखिनि  
(□ 5 बिलाइआव)

बाक्सानि कालपानीयाव मानास जौगाखां आफाद दादों  
बियाबनि जौगाखांनायनि सोमोन्दे सावरायलायो

सालबारि, 17 डिसेम्बर:  
बाक्सा जिल्लानि सालबारि  
महकुमानि सिडव थानाय  
कालपानी हाथाय मेल  
जथुमसालियाव गेदेर मानास  
ओन्सोलनि राइजो-रजाफोरनि  
नुजाथि फेनायाव मानास  
ओन्सोलनि गुबुन गुबुन  
जेनाफोरनि सोमोन्दे



सावरायलायनायजों लोगोसे सुसंनानयनि थांखिखौ मानास  
गुबुन गुबुन जेनाफोरखौ (□ 5 बिलाइआव)

श्रीश्री लंकेश्वर मन्दिराव  
गोदानै लुनाय शिव  
मन्दिरखौ बेखेवबाय

सपुर, 17 डिसेम्बर: आसामनि गिबि मन्थि ड० हिमन्त बिश्व  
शर्माआ दिने सोनाब जालुकबारिनि सिडव थानाय राइज्योनि गुबुन  
मोनसे धोरोमारि जायगानि श्री श्री लंकेश्वर मन्दिराव गोदानै  
लुजानाय शिव मन्दिरखौ गोथारे बेखेवनाहो होयो। बेखौ लोब्बा  
लानानै खुंनाय मेलयाव गिबि मन्थि ड० शर्माआ बुंदोंदि, बिफा-  
बिमाफोरा न'आव जेब्ला फिसाफोरखौ अंबंगसायखौ मोजां  
मोनायजों लोब्बा जाहोयोब्ला बे न'आ मोजां जे जिउ खांजायो  
आरो इयुनि सानाव बिफा-बिमाफोरबो फिसाफोरखौ लानानै  
जेना-जेसिजों मोगा-मोगि जानाड। नाथाय जेब्ला बिफा-बिमाफोर  
गावनि फिसाफोरखौ धोरोम एबा आध्यात्मिकजों सिबिथाय  
लाहोयाब्ला फिसाफोरा माबेयाबा मोजां जानायनिफ्राय जानगायव  
थानानै बिफा-बिमाफोरनि (□ 5 बिलाइआव)

सालबारि फरायसालिमानि लांगोनायाव बड'फा उपेन्द्रनाथ  
ब्रह्मनि मुसुखा लुनो अन्थाइ खाम्फा गायसन्दों



भवानिपुर, 17 डिसेम्बर: ब्रह्मनि ब्रन्जनि मुसुखा लुनो  
सालबारि फरायसालिमानि लांगोनायाव बड'फा उपेन्द्रनाथ  
अन्थाइ खाम्फाखौ गायसन्नाय (□ 5 बिलाइआव)

जायो। मोनसे आसारखांथि  
बायदिये सोलिबोनाय खांथिजों  
सालबारि फरायसालिमानि  
लांगोनायाव बड'फा उपेन्द्रनाथ  
ब्रह्मनि मुसुखा लुनायनि अन्थाइ  
खाम्फाखौ सालबारि  
टिसिएलसिसिनि आफादगिरि  
बिनद मुसाहारिया गायसनो।  
अन्थाइ खाम्फा गायसन्नाय  
बिनद मुसाहारिया बुंदोंदि,  
सरकारि एसअपिडि बिथांखिनि  
(□ 5 बिलाइआव)



गुवाहाटी नोगोरामनि रुप नोगोराव खुंनाय आसाम राष्ट्रभाषा प्रसार समितिनि  
बान्जायनायाव खुंनाय 22 थि कन्भकेसनयाव आसामनि राइज्यो बेंगिरि गुलाब चान्द  
काटारीयाखौ बाहागो लाफेनाय नुनो मोन्दों

अथि बोसोरारि गोसोखां सन्तष ब्रह्म इन्टार क्लब क्रिकेट लीगआ दिनेनिफ्राय जागायबाय

वासुगाव, 17 डिसेम्बर: चिरां जिल्ला क्रिकेट  
एससिएसननि दैदेन्नायाव दिनेनिफ्राय  
जागायजेन्नाय सन्तष ब्रह्म गोसोखां अथि बोसोरारि  
इन्टार क्लब क्रिकेट लीगखौ खुंनाय जायो। दिने  
फुबिलिनि समाव मोनसे मेहेर गोनां हाबाफारिजों  
जिल्लानि सिडव थानाय मंगलागावआव खुंफुनाय  
जायो। बे बेखेवनाय हाबाफारियाव गाहाइ आलासि  
महरे बाहागो लानानै बादायलायनाय मेचखौ



बेखेवना होयो बडाइगाव रेफाइनरिनि एसिस्टेन्ट  
मेनेजर मुसुखा बर'आ। बिथांजों लोगोसेनो  
चिदली बियाबनि एमएलए जयन्त बसुमतारि एबा  
चिदली क्रिकेट आफादनि आफादगिरि बिथाडा।  
लोगोसेनो बिजनी बियाबनि एमएलए अजय कुमार  
रायमोनहा। दिनेनि बे हाबाफारियावबो चिरां  
जिल्लानि एसपि प्रान्जित बरा, डिएसपि शेखर  
ज्यती राय मोनहा (□ 5 बिलाइआव)





## खथा सिडव थानाय बेरेखौ 9 सेकेन्डआव सिनायथिनायनि सेलेन्स

अप्टिके ल इलुजननि ट्रेन्ड सोलियासिनो। जेयाव सानफा-मोनफा गोदान-गोदान इलुजन सावगारिफोरा शेयार खालामजायो। बे सावगारिआ जॉनि मेलेमनि थाखाय मोनसे मोजां एक्सारसाइज। बेनि मददजौं जौं मेलेमखौ सांग्रां खालामनानै लाखिनो हायो। बेनि अनगायै मेगननि नोजोरखौ आन्जाद नायनायावबो मदद मोनो। अप्टिके ल इलुजन सावगारिनि सौंथि एबा सेलेन्सखौ आजावनानै बेखौ सुखानायाव गोखौं नोजोरनिबो गोनांथि जायो, जाय दान्दिसे समावनो सावगारिआव होनाय सेलेन्सखौ सुखानो हायो। नाथाय बेयो एसेबां गोलैबो नडा। माब्लाबा अप्टिके ल



इलुजननि सेलेन्सखौ सुखानाया एरैबादि गोब्राब जायोदि, सुबुंफोरनि खर'आ गिदिनो हयो। अदेबानि गोब्राब जायोब्लाबो सुबुंफोर अप्टिके ल इलुजनखौ गोबां मोजां मोनो आरो बेनि जेनाखौ सुखानो नाजायो। बेयाव खायसेआ

जाफुंसारो आरो खायसेआ गोखौं नाजानायनि उनावबो जाफुंसार जाया। दिनेनि अप्टिके ल इलुजनआव मोनसे सावगारिआव सासे हिन्जावनि बेडरुमखौ नुनो मोन्दों। बे हिन्जावनि बेडरुमआव बेरे थाखोमानानै दड, जायखौ 9

सेकेन्डआव सिनायथिनायनि दिहुन्नायावो बेनि सेलेन्स। नोंथाडबो गावनि अब्बाभँटिभ स्कीलखौ टेस्ट नायनो गोसो दडब्ला बेनि सेलेन्सखौ गनायथिनाय 9 सेकेन्डआववो सावगारिनि बेरेखौ नागिरनानै दिहुन्तो हागोन। बेनिफ्राय नोंथाड मिथिनो मोनगोनदि, नोंथानि मेगनआ थारैनो गोखौं नंगो ना नडा। सिगाडाव माब्लाबा बेबादि सेलेन्सखौ आजावखांबायब्ला नोंथाड बेखौ सुखानायाव राहाखौ मिथिखागोन। गिबियावनो सावगारिखौ फासँ निफ्राय फासँथि आरो गाहायनिफ्राय गोजौथिं मोजाडै नोजोर होनांगोन। अप्टिके ल इलुजनखौ सुखानो थाखाय सावगारिखौ मोजाडै नायनानै लानाया गोनांथार। होखानाय 9 सेकेन्डआव बेरेखौ सिनायथिनो हाबायब्ला नोंथाड देरहाबाय आरो थारैनो मेगननि नोजोरा गोखौं, अदेबानि नाजानानैबो सावगारिआव बेरेखौ नुवाखैब्ला आगिस फासँ गाहायाव मोजाडै नायोब्ला बेरेखौ नुनो मोनगोन।



## खौसेनि आगान

मुस्रि रमेश चन्द्र ब्रह्म

खोमसि मुलुगआ सोरां जाबोगौ हने अखानायसि सोरांनि बारा बारबोगौ, माबा रादाब लानानै फेगौ जॉनि फासँ फुबिलिनि गोजोन बारआ। खोमसिनि सिगां सोरांनि लामाजौं आवगायबो बयबो हारिनि सुबुं दागि-दागि रावबो रावखौबो दागि दानि मुगायाव गिनानै थानायनि सम गैलिया। समा सौबाय बोथोरा सौफैबाय बयबो सुबुंआ हारिमा-हारिसा फोलेर दानायनि फारि जाबाय। जान्जि खाफ्रा, बिखा फोदान, सुथुरा फेगौ हने जॉनि मोखां फासँ हान्जा-हान्जा। हारि-माहारि बयबो सुबुंआ खौसे जानानै सुथुरनि सिगां आवगायबो आखाइयाव हाथियार दैना। खौसेनि आगानखौ खोमोरना साफा-फारफा आगान सुराब्ला नुजागोन हारियाव अलखद समा। हिंसा नि लामाखौ नागरनानै अहिंसा लामाखौ लायाब्ला जानोसै हने हारिया फोरसा-फोरसि। खौसेनि आगानखौ सुराब्ला जोबझां बोगौ हने जॉनि हारिया सुथुरनि आखाइयाव फारि-फारि। हिंसानाय गोसोखौ नागरना अहिंसा गोसोखौ बोजबना माबारे सुथुरनि सिगां फासँ आवगायनि फे जौं बयबो बर' हारि खौसेनि आगान होदिनि मुलुगाव अराय।

## हा फिसा हौवा दाव

मानो गाबबायदों नों, संसारनि बिखायाव ? इसेबां दुखुथिया नों मानो ? गावखौ नों बावगोमा नोंनि रानखानाय गारमाखौ लाना थारै नों नागिरदों नामा ? नोंनि गोबॉनि थार गुबै फिसा हौवा।

इसेबां होदावरि-होसावरि नागिरब्लाबो मानोथो मोनदिया नों गोबॉनि फिसा हौवा। नोंनि होदावरिनायखौ खोनायोब्ला आनि बिखाया खायसिब मोनखाडो। रजे। बनि रानखानाय गारमाया माबोला सिखांगोन। बनि गांहाबनाय गोबॉखौ सोर माबोला सुफुंगोन।

सि दाहाल कुंगुर बसुमतारी जिल्ला- कक्राझार, बिटिसि

मिजिं नाजारी गरुभासा, चिरां

## आंनि फोथाराव

नै, गोसो हमथा नों आंखौ, नों दाहगारसै आरोबाव आंखौ गोदाव-सोरावयै। मँगिल हाबबाय दिने आनि गासिबो देहा सोलेर, लामा दथानि हायाव गोलैसोना थानाय दाखोर बिलाय बायदि लुबैदों आंबो दिने सिरिये उन्दुसोनानै थानो। मोजां मोनलायनायनि खेला गेलेयै-गेलेयै सिमाडवतो सिमां सुजुनानै आं दिने एसेबां गोजान सौफैबायदि आं आरोबाव एसेबो आगान सुरनो हालिया। आंनि लामानि मोनफ्रोमबो आगानावो दड बोखारख' हायै सुफेर। आंनि फोथाराव दिने सानाव सान नुलिया, आरो हराव अखाफोर नुलिया। आं गिदोंसै दिने आंनि फोथाराव..... गाबोन मा जागोन। गोजाभ्रिवदों सोलेरा आंनि बेखौनो सानै सानै।

मिजिं नाजारी गरुभासा, चिरां

## रंजालि गथ'फोरनि सौरा

### बिमं गैयै सोर नों सिख्ला

( !! )

नों आंखो मोजां मोनो ना मोना आं मिथिस'आ -- मा मिथिगौ ना , दैमा आरो मोजां मोननायनि गेजेराव जेबो फारागथि गैयानो --- दैमाया बोहै लानोल' रोंगौ आरो मोजां मोननाया मोजां मोननोल' रोंगौ ?

बारजौं बुसोम जानाय खेंसाना दोननाय खानाइखौ खाथबना आनि मेगनाव नायगोमोनाय नोंनि बै मैनि मेगन बादि नायनायखौ इन्जुराव नडब्लाबो गोबॉनि ख'नाफारसे बोन्थुमना लाखिगोन मुंखौ दोननाय जादों -- 'प्रीति' ।

केन्भासनि इसिडव नों दडोना गैया मेसेन्जाराव थानाय लोगो फोरनि आन्दो आन्दो नोंखौल' नायगिर बायो मादि नट्राल जि ना - - - - !

खोना सं ना आनि फागोला फागोला गोसो सिडव खनसे हाबना नायनायसाय मालाबा आं बिमुनि फामि बिबारा नोंनि गोबॉआव बारनोबो हागौ सिरि सिरि ।

नोंनि मिनिनाय खावलायाव दैथुन जाखाडो मैनि मेगन बादि जोंखोल नायनायाव सोमखोर सोमखोर मेगन बेसाडव आं दिने जौसाय फागोला बेलारोम समनि अन्जिमा रुगुडव

-पबित्र ब्रत दैमारी ग'लाघाट

## देरहासाद

जागोन जौं इयुन जोलैनि देरहासाद जागोन जौं बर' हारिनि देरहासाद, फोथांगोन जौं हारिखौ सिबिगोन जौं माहारिखौ। गोदोसोना थानाय बर' हारिखौ नाजागोन जौं बोखानो बर'नि हारिमुखौ बोखांफिनो जागोन जौं जेब्लाबो थियारि। धोरुमखौ लानानै दावगागोन जौं एना-एनि सान्नायखौ फोजोबझांगोन, हारिखौ अराय गोजौआव देखांगोन जागोन जौं जेब्लाबो देरहासाद। बर' हारिखौ खौसे खालामगोन जौं हारिनि अराय खोमथा फिरफिला बिरहोगोन, जागोन जौं जाफुंसारगोन हारिखौ अराय गोजौआव देखांगोन।

जि. के. एकाडेमी, द'तमा सि दिवाकर ब्रह्म थाखो-9 ( गु ) गामि-फाटाकाटा

## सोलोंथाय

सोलोंथाया मा ? सोलोंथाया जॉनि जिउनि लोगो जॉनि बिफा। सोलोंथाय नडब्ला बे मुलुगआव थाना थानो दासान सुबुंफोर। साननो रोडब्ला गावजौं-गाव नांलाय-लायगोन खमलाय-लायगोन सोलोंथाय नडब्ला, गावनि खाफालनि थैखौ जेरावबो मिथि होनो नाजा गाव रोंब्ला मालायखौ फोरोंनो हायो। सोलोंथाया जॉनि बिफा आंजौं लोगोआव थाफा।

मुस्रि थनिजा ब्रह्म गामि- धावल्लिगुरि जिल्ला- कक्राझार ( बड'लेण्ड )।

## गजल खन्थाइ

खन्थाइगिरि होननाय लोगो लोगोनो खन्थाइगिरिया सोदोबनि आगर एरनो

हरदम बिलियाव मोजां मोनो

आरो खन्थाइगिरिनि गोरबो थिलिआव दिखारनि सानसि सुखुनि सानसि बिलिर फेबानो

खन्थाइनि लैथोयाव थल्ल'यो गोरबो बिखाखौ थाजिम होनो

-रैदोम बर', माजदिया बगुलामारि, बाक्सा

## थुनलाइनि फिथिखा

गुसु फिथिखाखौ मोनलौंबायब्ला नोंनि गोबॉ बिखानिफ्राय... बावनो आं बोरैथो, हाखानायथ' नड बावनो। आंदि अराय गोजोमनोसो लुबैयो उपले-उपले नोंनि गुवार गोबॉआववो, नोंनिनो अन्नायखौ मोनफुनो आनि हाबिलास जायो। दं नोंनि राइजोआववो मानोना बयनिखुइबो गोदैसिन फिथाया, जेराव आनि गोसोआ हांखुर जायो बै अमबूतनि बिदैखौ सोबनो। नाथाय...खायसे सुबुंफ्रा आंखौ बजबनो थानायाव नोंनि अन्नायखौ जावलियासो होन्नानै बुंसै, मानोना बिसोर..... नोंनि फिथिखाखौ मोनलौंफेराखै। नोबो मोनलौंफेरनाय मोनब्ला मिथिगोमोन नोंबो अब्ला... बै फिथिखानि बिदैखौ बेसेदि गोथाव आरो बेसेदि गोदै। दा आं नोंनि गोबॉयावनो थानानै संसारनि गेना खान्थिफोरखौ नोंनि गोबॉनिफ्राय बोहैबोनाय गुसु दैमुनि दैजौं सुखानो लुबैयो। नाथाय ...आंबादि नंखाय बावदा खन्थायगिरिया आनि आखायनि नंखाय रेबगना नोंनि गुवार लैथोयाव गास'नो हाया, अब्लाबो लुबैयो सानसिनो, नोंनि गोबॉआव। दंब्लाबो जेन्नाय आरो देरहानाय थेवब्लाबो लुबैयो हानथिनो मानोथाय, आखायनि रेबगनखौ लोगोआव लानाय नोंनि बै फेलाव बिखायावनो।

सुबास बसुमतारी कसुगाव ( थाप्लाज 'रा )

## आंनि गोसोनि दुखु

आं जाबाय सासे निखाउरीनि फिसा; गोसोजौं लुबैनायखौ नांगौ सानब्लाबो मोना। आंनि गोसोनि दुखुखौ सोर मिथिनो। मानो सानबाय थायो, आं आंनि दुखुखौ। सामफ्रोमबो जानाय लौनाय मानि आंखाम उखैया दै गाड जेरावखि थाड दुखुखौ सानखांबाय थायो। लेखा फरायनायावबो दुखुखौ सानै सानै मोदेया र'गयो। नाथाय आंनि गोसोआव लोगोफोरजौं राइज्जालयब्लाबो दुखुखौ सानखांबाय थायो मानो ? सोर मिथिनो सोर खोनासंनो आंनि गाबनायखौ रावबो मिथिया, आंनि गोसोनि दुखुखौ

मुस्रि रिनदाव बसुमतारी गामि- 12 नं थुंका जिल्ला- कक्राझार बि टि सि ( आसाम )।







